

AKASHVANI (AIR)
RNU : KOLKATA
Bengali Text Bulletin

Date: 14.11.2024

Time: 7.35 A.M.

বিশেষ বিশেষ খবর –

- ১) রাজ্যের ৫ জেলার ৬ টি বিধানসভা কেন্দ্রের গতকালের উপনির্বাচনে গড়ে ভোট পড়েছে প্রায় ৭১ শতাংশ।
- ২) তরুণের স্বপ্ন প্রকল্পে ট্যাবের টাকা নিয়ে দুর্গীতির ঘটনা এড়াতে এখন থেকে এই সংক্রান্ত যাবতীয় তথ্য পড়ুয়াকে নিজেকেই পোর্টালে আপলোড করতে হবে। দক্ষিণ ২৪ পরগণাতেও ট্যাব কেলেকারিতে এবার বিহারের যোগ পাওয়া গেছে।
- ৩) মহিলাদের স্বনির্ভর হওয়ার নিরিখে এ রাজ্য বিশ্বের মধ্যে শীর্ষে রয়েছে বলে মুখ্যমন্ত্রী মমতা ব্যানার্জি জানিয়েছেন।
- ৪) হাওড়া, বর্ধমান কড লাইনে সিগনালিং এবং দক্ষিণ-পূর্ব রেলের সংযোগ সহ ইলেক্ট্রনিক ইন্টারলকিং-এর কাজ চলার জন্য আজ থেকে রবিবার পর্যন্ত হাওড়া ডিভিশনে পূর্ব রেল ট্রেন চলাচল নিয়ন্ত্রণ করবে।
- ৫) নানা অনুষ্ঠানের মধ্য দিয়ে আজ স্বাধীন ভারতের প্রথম প্রধানমন্ত্রী প্রয়াত জওহরলাল নেহেরুর জন্মদিনটি শিশু দিবস হিসেবে পালিত হচ্ছে।

এদিকে, উত্তর ২৪ পরগণার ভাটপাড়া পুরসভার ১২ নম্বর ওয়ার্ডে প্রাক্তন তৃনমূল কংগ্রেস ওয়ার্ড সভাপতি অশোক সাউ-এর হত্যার ঘটনায় নির্বাচন কমিশন প্রশাসনের কাছে রিপোর্ট তলব করেছে।

○○○○○○○○○○○○○○○○○○○○○○○○○○○○○○

আগেই জানানো হয়েছে, গতকাল পালঘাট রোড এলাকায় দোকানে চা খাওয়ার সময় কয়েকজন দুষ্কৃতি তাঁকে গুলি করে। আশঙ্কাজনক অবস্থায় অশোক সাউকে কলকাতার একটি বেসরকারি হাসপাতালে নিয়ে যাওয়া হলে চিকিৎসকরা মৃত ঘোষণা করেন। এই ঘটনাকে কেন্দ্র করে শুরু হয়েছে রাজনৈতিক তর্জা।

ব্যারাকপুরের তৃণমূল কংগ্রেস সাংসদ পার্থ ভৌমিক বলেন, দুষ্কৃতিদের মধ্যে গন্ডগোলের জেরে এই হত্যা। এর সঙ্গে তৃণমূলের কোন সম্পর্ক নেই।

তরুনের স্বপ্ন প্রকল্পে ট্যাবের টাকা নিয়ে দুর্নীতির ঘটনা এড়াতে এখন থেকে এই সংক্রান্ত যাবতীয় তথ্য পড়ুয়াকে নিজেকেই পোর্টালে আপলোড করতে হবে। তথ্য ঠিকমত আপলোড হল কিনা পড়ুয়ারা যেন তা যাচাই করতে পারে সেই পথও খোলা থাকবে বলে রাজ্য শিক্ষা দপ্তর সূত্রে জানা গিয়েছে। প্রয়োজনে পোর্টালটিকে আরও সুরক্ষিত করে তুলতে আধুনিকীকরনও করা হবে। এই দুর্নীতির ঘটনায় পুলিশের পাশাপাশি ন্যাশনাল ইনফরমেটিক্স সেন্টারকেও বিষয়টি দেখতে বলা হয়েছে। ইতিমধ্যে একটি মান্য কার্যবিধি তৈরি করা হয়েছে বলে জানিয়েছে সংস্থা।

উল্লেখ্য এই ঘটনায় এখনও পর্যন্ত রাজ্যের বিভিন্ন জায়গা থেকে ৯ জনকে গ্রেপ্তার করা হয়েছে।

উত্তর দিনাজপুরের চোপড়া থানা এলাকা থেকে গতকাল আরও ২ জন এবং মালদা থেকে ৪ জনকে পুলিশ গ্রেফতার করে।

এই বিষয়ে তৃণমূল কংগ্রেসের মুখপাত্র কুনাল ঘোষ বলেন, কেন্দ্রের স্বরাষ্ট্রমন্ত্রক এধরনের প্রতারণা রুখতে ব্যর্থ।

এদিকে, এবার দক্ষিণ ২৪ পরগনাতেও ট্যাব কেলেক্ষারিতে বিহারের যোগ পাওয়া গেছে। এই জেলার প্রায় সাড়ে ৩-শো পড়ুয়ার ট্যাবের টাকা অন্যের অ্যাকাউন্টে ঢুকেছে

মহিলাদের স্বনির্ভর হওয়ার নিরিখে এ রাজ্য বিশ্বের মধ্যে শীর্ষে রয়েছে বলে মুখ্যমন্ত্রী মমতা ব্যানার্জি জানিয়েছেন। দার্জিলিং-এ গতকাল সপ্তম সরস মেলার সূচনা করে জিটিএ প্রধান অনীত থাপাকে সামনে রেখে পাহাড়ের উন্নয়ন এগিয়ে নিয়ে যাওয়ার এবং ঐক্যের বার্তা দেন তিনি।

রাজ্যে এখন বারো লক্ষ স্বনির্ভর গোষ্ঠী রয়েছে। জিটিএ এলাকায় ১১ হাজার স্বনির্ভর গোষ্ঠী তৈরি করতে রাজ্য সরকার ৫০০ কোটি টাকা খনের ব্যবস্থা করেছে। পড়ুয়া ও যুবদের কথা মাথায় রেখে সরকার একাধিক প্রকল্প হাতে নিয়েছে। পাহাড়ে পর্যটনের বিকাশে রাজ্য সরকার কাজ করছে। বিশেষ করে হোমস্টে-র সংখ্যা বাড়াতে সরকার তৎপর বলে তিনি জানান ।

(বাইট)

কার্শিয়াং-এ প্রেসিডেন্সি বিশ্ববিদ্যালয়ের তৃতীয় ক্যাম্পাস দ্রুত চালু করার বিষয়ে জেলাশাসককে বিশ্ববিদ্যালয় কর্তৃপক্ষের সঙ্গে কথা বলারও নির্দেশ দিয়েছেন মুখ্যমন্ত্রী।

এই অনুষ্ঠানেই তিনি পানীয় জল, স্বাস্থ্য, নার্সিং প্রশিক্ষণ ও অঙ্গনওয়াড়ি কেন্দ্র সহ ৫৬টি প্রকল্পের সরকারি প্রকল্পের উদ্বোধন ও শিলান্যাস করেন। এর জন্য খরচ হচ্ছে ১৬১ কোটিরও বেশি টাকা।

০০০০০০০০০০০০০০০০০০০০০০

এদিকে, স্টেট এডেড কলেজ টিচার'স ওয়েলফেয়ার অ্যাসোসিয়েশন" মুখ্যমন্ত্রীর দৃষ্টি আকর্ষণ করতে গতকাল শিলিগুড়িতে মিছিল করে। ইএফ,ইপিএফ,সাম্মানিক ভাতা বৃদ্ধি, মিউচুয়াল ট্রান্সফার,হেলথ স্কিম,চাইল্ড কেয়ার লিভ,অবসরের বয়স বৃদ্ধি সহ মোট ১০দফা দাবিতেই তাদের এই আন্দোলন। দীর্ঘক্ষণ বিক্ষোভ দেখানোর পর অবশেষে পাঁচ জনের একটি প্রতিনিধি দল তাদের দাবি সম্মিলিত স্মারকলিপি উত্তরকন্যার আধিকারিকদের হাতে তুলে দেন।

উল্লেখ্য উত্তরবঙ্গ সফরে মুখ্যমন্ত্রী মমতা বন্দ্যোপাধ্যায় আজ দার্জিলিঙে রয়েছেন

০০০০০০০০০০০০০০০০০০০০০০

অস্ত্রের বেআইনি কারবারে জড়িত থাকার অভিযোগে তিন মহিলা সহ চারজনকে গ্রেপ্তার করেছে বর্ধমান থানার পুলিশ।ধৃতদের বর্ধমান সিজিএম আদালতে পেশ করা হলে তিনদিনের পুলিশি হেফাজতের নির্দেশ দেন ভারপ্রাপ্ত সিজিএম। ধৃত মনা দাস, সঙ্গীতা দাস, রিনা দাস ও সুনীতা সাউর বাড়ী বর্ধমান শহরের লক্ষ্মীপুরমাঠ এলাকায়। পুলিশ জানিয়েছে, গতকাল সকালে বর্ধমান শহরের গোদা এলাকায় একটি পরিত্যক্ত বাড়িতে ওই চারজন জড়ো হওয়ার খবর পেয়ে হানা দিয়ে তাদের ধরা হয়। দু'টি পাইপগান ও ৬ রাউন্ড গুলি উদ্ধার হয়েছে। খদ্দেরের হাতে অস্ত্র তুলে দেওয়ার জন্য

অন্যদিকে, পূর্বরেল কলকাতা-হলদিবাড়ি-কলকাতা এক্সপ্রেসে অতিরিক্ত তিনটি শীতাতপ নিয়ন্ত্রিত কোচ বাড়ানোর সিদ্ধান্ত নিয়েছে।

গতকাল এক প্রেস বিজ্ঞপ্তিতে রেল জানিয়েছে, বিভিন্ন জনপ্রিয় মেল ও এক্সপ্রেস ট্রেনে যাত্রীদের সামগ্রিক ভ্রমণ অভিজ্ঞতা উন্নত করার লক্ষ্যে পর্যায়ক্রমে শীতাতপ নিয়ন্ত্রিত কোচের সংখ্যা বাড়ানো হচ্ছে। আজ থেকে ট্রেনটি কলকাতা থেকে এবং আগামীকাল হলদিবাড়ি থেকে ছাড়বে। পরিষেবাটি স্থায়ীভাবে কার্যকর হবে। কলকাতা-হলদিবাড়ি-কলকাতা এক্সপ্রেস ১৫টি কোচের পরিবর্তে ১৮টি কোচ নিয়ে চলবে।

০০০০০০০০০০০০০০০০০০০০০০

রাসযাত্রা উৎসব উপলক্ষ্যে পূর্ব রেল যাত্রীদের সুবিধার্থে বিশেষ EMU লোকাল চালানোর সিদ্ধান্ত নিয়েছে। রাশ যাত্রায় যাত্রীদের অতিরিক্ত ভিড় সামাল দিতে পূর্ব রেলের শিয়ালদহ ডিভিশন আগামীকাল থেকে ১৮ নভেম্বর পর্যন্ত শিয়ালদহ -শান্তিপুর শাখার সমস্ত আপ ও ডাউন EMU ট্রেনগুলির জন্য বাথনা কৃষ্ণিবাস (BTKB) হল্ট স্টেশনে থামবে। এছাড়াও, আগামী ১৬ ও ১৭ নভেম্বর এবং ১৭ ও ১৮ নভেম্বর তারিখের মধ্যবর্তী রাতে শিয়ালদহ -শান্তিপুর শাখায় একটি বিশেষ EMU ট্রেন চালান হবে। এই বিশেষ ট্রেন গুলি যাত্রাপথের উভয় দিকে সমস্ত ফ্ল্যাগ স্টেশন ও হল্ট স্টেশন গুলিতে থামবে বলে পূর্ব রেল সূত্রের খবর।

অন্যদিকে, দেব দীপাবলি উৎসব উপলক্ষ্যে আগামীকাল কলকাতার বাবুঘাটে (বাজে কদমতলা ঘাট) প্রচুর মানুষের সমাগম হওয়ার সম্ভাবনা থাকায় ওই দিন চক্ররেল চলাচলে নিয়ন্ত্রণ করা হবে।

০০০০০০০০০০০০০০০০০০০০০০

○○○○○○○○○○○○○○○○○○○○○○○○○○○○○○

(বাইট - সোমনাথ

000000000000000000000000000000000000

○○

00000000000000000000000000000000